

露西亞通史

前編

第一章 露西亞之地理

同一歐洲也。而卽其東部與西部。兩相比較。其地理殊覺懸隔。西部之海岸。港灣出入處。有島有岬。一凸一凹。頗不均一。東部歐洲則反是。是卽露西亞與歐西諸國相異之一要點也。露西亞者。版圖雖大。北則對于白海北極洋。南則瀕于裏海。阿屬夫海。黑海。西北則鄰于波留的海。波士耶。綠洲。黎物耶等灣。白海與北極洋。半年結冰。不便航海。波留的海。裏海。亦早結冰。由此觀之。天之所以惠露西亞者。蓋亦僅矣。露西亞之地理。與歐西諸國相懸隔者。非僅海岸而已。山脈亦然。歐西諸國之山脈。皆亘于國之中央。成脊骨之形。獨露西亞不然。山脈皆起于國之邊境。中央之地。多荒漠之平原也。

露西亞概爲平原。而無山嶽以爲之保障。其北極風疾。蓋以此故。四面近海。往往因

海風與潮流衝突。而陸地之氣候。不得調和。

聖彼得堡。在北緯六十度。地球上最北之都府也。此處最長之日。爲十八時四十五分。太陽昇于三時前二十分。沒于九時後二十分。最短之日爲五時四十七分。太陽昇于九時後五分。沒于三時前八分。而一年中兩個月難見日光。

露西亞包容廣大之地。而良港灣缺如。于是河爲要津矣。是河也。冬季結堅冰。冰上可通車馬。夏季堅冰融解。水勢汪洋。大小各船。皆得順流而下。所謂「夏之船。冬之橋」者。誠露西亞唯一之交通機關也。

形勢如此。以是而研究露西亞歷史之關繫。與夫其所以發達之原因。則凡戰勝之事。殖民之偉略。其名譽轟然于歷史上者。一皆河之力也。請予不信。請觀露西亞最初民衆之相集。而立其建國之基礎者。非在阿加。加孟。頓。及佛爾克等之河岸乎。

第二章 露西亞之人種

往古黑海之濱。希臘人夙開互市場。創殖民地。結合同盟。史所稱婆士苛拉之阿爾

空世襲盟主。此阿爾空之主權。附近之野蠻族。亦承認之。其值民地之人民。保存母國之文明。勵美術。嗜雄辯。若赴戰場。則高唱荷馬之詩。此時有與彼等密邇之一羣種族相雜住。殖民等呼之爲西若安。西若安者。本爲蠻族。其生平習慣。頗有可奇。如拔劍而樹于地。禮拜之以爲〔戰之神〕。臨於戰場。吸敵人之血。誠其首。以其髑髏爲酒器。王死則有多數之殉死者。至年時忌辰。則屠戮其馬與奴隸。以昭死人之名譽。露西亞之所謂斯拉夫者。亦屬于西若安。特其詳無從考耳。

第二章

魯立克及阿列克之經營露西亞之創設

自紀元八百六十二年

九百十年

露西亞之北人。稱佛列提。或稱佛蘭提安。實露西亞之開祖也。至其起源系統之間。則未能得其真相。佛列提之屬於何種族。在上古時。其說不一。一世紀後。歸於左之三說。

第一說 佛列提者。從斯懇納皮安而來於斯拉夫人之國。始有露西亞之名稱。

其證左不一。斯懇納皮安之名字。多散見於君臨露西亞之佛列提諸王侯之表中。可證者一。希臘之皇帝君士但丁。坡爾羅塞但。就露西亞語中。立區別於斯拉夫人與露西亞人之間。可證者二。且彼記載其獨紐波之瀑布。有露西亞語之名稱。有斯拉夫人之名稱。其露西亞之名稱。皆斯懇納皮安語之轉訛。可證者三。據聖多波提納之記錄。皇帝塞阿比拉。介紹露西亞之某使節于路意拉德婆奈爾。忽覺其爲諾爾曼之間諜。怒而投于囹圄。可證者四。耶羅斯拉夫編纂露西亞最初之法典。與斯懇納皮安之法典。絕相似。可證者五。以是等之事實揣摩之。則佛力提從斯懇納皮安來。可無疑矣。

第二說 佛列提者。蓋卽斯拉夫。蓋彼等從波留的海岸之斯拉夫而來。而斯拉夫又從斯懇納皮安所創之殖民地而來。且露西亞之語。非起源于瑞典。太古獨紐皮之地。常有(自露來自露往)之語。散見於古書。所謂露者。似指繼裴之地。若亞拉比亞之記者。所謂露西亞。實指多大之國民而言。何嘗謂斯拉夫爲土著。非